

Na osnovu člana 19. stav 2. Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06) i člana 4. stav 4. Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja („Službene novine Federacije BiH“, broj: 27/14), na prijedlog Federalnog ministarstva energije, rudarstva i industrije, Vlada Federacije Bosne i Hercegovine na 111. sjednici, održanoj 24.04.2014. godine, donosi

**ODLUKU
O JEDNOKRATNOJ ADMINISTRATIVNOJ NAKNADI ZA OBRADU ZAHTJEVA ZA
DOBIJANJE ENERGETSKE DOZVOLE**

I.

Ovom odlukom utvrđuju se iznosi jednokratne administrativne naknade za obradu zahtjeva za dobijanje energetske dozvole, kako slijedi:

- a) za mikro elektrane instalisane snage od 2 kW do i uključivo 23 kW, naknada iznosi: 200,00 KM (slovima: dvijestotine KM),
- b) za mini elektrane instalisane snage od 23 kW do i uključivo 150 kW, naknada iznosi: 1.000,00 KM (slovima: hiljadu KM),
- c) za male elektrane instalisane snage od 150 kW do i uključivo 1 MW, naknada iznosi: 2.000,00 KM (slovima: dvijehiljade KM),
- d) za srednje elektrane instalisane snage od 1 MW do i uključivo 10 MW, naknada iznosi: 3.000,00 KM (slovima: trihiljade KM),
- e) za velike elektrane instalisane snage preko 10 MW, naknada iznosi: 5.000,00 KM (slovima: pethiljada KM).

II.

Podnosilac zahtjeva za dobijanje energetske dozvole obavezan je, uz zahtjev, dostaviti i uplatnicu/potvrdu o izvršenom plaćanju, iz koje se vidi da je izvršena uplata odgovarajuće jednokratne administrativne naknade za dobijanje energetske dozvole.

III.

Administrativna naknada iz tačke I. ove odluke uplaćuje se na račun javnih prihoda Budžeta Federacije Bosne i Hercegovine broj: 1020500000106698, kod „Union banka“ d.d. Sarajevo, porezni broj obveznika: ID broj podnosioca zahtjeva, vrsta prihoda: 722612, budžetska organizacija: 1701001, općina: šifra općine mjesta sjedišta podnosioca zahtjeva.

IV.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 769 /2014
24.04.2014. godine
Sarajevo


PREMIJER
Nermin Nikšić
